



DS
793
S32C253
1763
v.2

册 2
卷 4-7

長治縣志

疆域城池關隘坊都市集山川古蹟
津梁學校書院義學賦役鹽法貢篚

第二冊

長治縣志卷之四

知縣事沐陽吳九齡景文甫脩輯

疆域

曰黃帝畫井分疆區別畛域形勢攸崇矣周禮夏官
司險掌九州之圖以析山林川澤守土者宜知扼要
焉書曰申畫郊圻慎固封守尙已上黨居天下之脊
當河朔之喉古稱名勝北魏迄五代時得此者昌失
此者蹙今

聖天子統一區宇聲教覃敷內地之苗蠻盡願改土歸流

外則金川緬甸交趾安南臺灣以及青海瞻對哈密
伊犁西藏朔漠迄諸徇部莫不傾城向化幅員之廣
亘古未有業詳列方畧表志諸書而潞治東翼

畿輔所係尤重因約畧其概以城池關隘坊都村鎮遞
鋪附焉志疆域

縣治附郭自府城至

京師一千三百里東西廣四十里南北袤一百里

舊志
載曰

廣二十里
袤八十五里東至壺關界常井村二十里西至屯留

縣界康莊二十里長子縣界李末村二十里少南

長子縣治五十里南至澤州府高平縣換馬村八十
里高平縣治一百二十里北至潞城縣界李村溝二
十里少東至潞城縣治四十里東南至壺關縣界沙
河村十五里壺關縣治二十五里澤州府陵川縣界
官嶺八十里陵川縣治一百二十里西南至長子縣
界宋村三十里東北至潞城縣界南垂村二十里至
平順縣治七十里西北至屯留縣界史村三十里屯
留縣治六十里

東至壺神頭越石子河至常井村十五里又十里達

壺關南經寨子村信義營胥五里至韓店營二十里
又橫嶺營八義營胥十里抵高平界西南經埃南莊
舖十里梁家莊漳澤舖胥五里至屯留界又西經角
沿村越石子河至潞城界北經景家莊五里關村舖
五里又四十里至潞城此孔道也東南四十五里至
壺關東南五十五里至陵川界西北二十里至屯留
界胥小徑也

總舖 在上黨門外 壺神頭舖 通壺關 埃南莊舖 高河

舖 通長子 史家莊舖 漳澤舖 通屯留 關村舖 通潞城 華

家莊舖通衰垣

城池

隋置上黨縣西北有子城傳爲隋創大城應亦隋建
門四上各有樓東曰潞陽南曰德化西曰威遠北曰
保寧四隅俱有角樓西北隅樓二曰看花曰梳洗而
看花尤高相傳唐明皇爲別駕時常游覽焉與故飛
龍宮相接有輦道俗名遊嶺西南長子樓舊有門通
長子縣稍東八義樓前知府方浩拆毀舊有門通八
義鎮明洪武間指揮張懷甦四門各建小月城猶

屬土城最易崩頽嘉靖七年知州周昊乃發公帑通
易以甃圍二十四里高三丈五尺厚二丈增敵臺三
十七窩鋪一百二十一片甃石屏翰鞏固有壁立于
仞之勢隆慶初石州逢變闔省修浚城隍而潞之四
周俱及泉深四丈闊如之其流潏潏有聲會於西水
洞流入黑水河兩岸栽植楊柳森森密布南城隍孤
蒲藻荇掩映水湄古稱金湯未必是過其後泉既壅
淤不流而樹復斫伐殆盡非復當時景象矣今東南
城隍內水泉湧出稍加疏濬便復舊景所望後之君

子修治焉

國朝順治九年西城門樓貯火藥爲雷火劈去時知縣王功成特爲鼎建頓還舊觀康熙三十三年北城樓燬于雷火三十五年知縣趙昶重修四城原額垛口計四千七百八十歷明末暨

國朝屢奉文砌塞今止存六百四十六現窩鋪四百四十九座敵臺四十八座炮樓十二座

南北穿城七里
東西穿城五里

康熙九年霖雨連綿牆垣倒壞知縣姜愷捐俸繕修復稱堅壘近經百年墻垣垛口傾頽復甚現在估修

郡城東居山麓雨集澗水奔流東門外由城隍環遶
西出土性亦疎緩善崩漱齒城渠先年藩府修建石
牌木幾牌崩漱及官道郡守蜀渝李公重修

西城於地最下郡水奔赴於隍爲滙歸之處潦則善
溢太守陳公儒建石牌内外有縱橫蓄洩之宜題曰
問水後郡守淮陽邱公重修

乾隆九年郡守蜀渝李公復自問水橋迤邐而東一
帶砌石岸疏濬水泉栽植楊柳景象煥然一新近亦
漸圯宜加修補

附潞志拾遺

明洪武六年正月甲午延安侯

勝宗奏築潞州城周五千七百七十四丈一夫築城

二寸合用二十八萬八千七百人許之

見潘定王學鳩篇潞志盛

稱州守周公昊之功昊乃包砌州城非創始州城者也志言郡城創始莫考又懸斷以爲隋築豈知秦漢以來治無定所潞州築城實自洪武始乎定王學富古今本州故事尤所留意幸而此書猶存足破千古之惑也

藩藩廢城在郡城中稍西明初爲衛治實唐宋以來

節度署也永樂中建嘉靖初憲王用磚石包砌前爲

端禮門後爲廣智門左右及四隅皆有樓樓各覆以

碧琉璃城圍三里高二丈五尺今樓門及磚石俱廢
止存土垣

關隘

古夾寨城西十三里今稱南寨村北寨村唐天祐四
年梁康懷正率兵十萬攻潞州晉昭義軍留後李嗣
昭固守內外隔絕遣周德威討之於高河懷正
之不克梁遣李思安代之築夾寨以防衝突迨救
調山東兵饋糧德威以輕騎抄之思安自東南山口
築甬道屬於夾寨德威與諸將互往攻之一日

梁兵閉壁不敢出會克用薨存勗嗣位名德威震
河東也遂率諸將至三垂岡伏兵值早霧直抵夾寨
梁將士尙卧乃分兵填塹燒寨鼓譟而入梁兵大潰
南走圍遂解梁開平元年右司馬符道昭與康懷英
等攻潞州築夾城爲蚰蜒塹以圍之逾年不能下晉
兵攻破夾城道昭戰死

西火堡南八十里陵川界 明崇禎五年流賊自陵
川馬附城至縣南境首掠西火 韓店鎮 明洪武

元年擴廓帖木兒遣韓禮兒援潞安偏將車楊瑄
將張彬遇於韓店大戰敗績

堡凡六

北董堡

在城東
南十里

蘇店堡

在城南
十五里

南董堡

在城南
二十里

角沿村堡

在城西北
一里今廢

關村堡

在城北
十里

西火堡

在城南八
十里今廢

縣之村成市集而為鎮者十有五

高河

漳澤

北董

蘇店

南董

郝店

韓店

八義

東和

王坊

木

蔭城

大峪

西火

師庄

舊志李裕州曰按縣奄有全州之版圖稱鉅矣然縣
因府置府以州徙則肇於青羊陳卿之變夫卿初一
庸奴耳非有陳涉吳廣之資藉也非有黃巾之幻惑
與夫綠林銅馬之雄談又非敢萌移竈問鼎之逆節
也不過苟目前一飽一亭長縛之矣奈何始則養之
以姑息幸遷去以自脫旣復激之以張皇媒奇貨以
自封一敝上而逃辜一乘亂而樂禍履霜集霰蔓不
可除至於將領殪矣守令刼矣庫九重費鉅億流血

戰壘暴骨沙場未已也乃至竄避巖谷之平民官軍
與賊共勦之罔有孑遺然後策勲獻馘銘旂常而叙
功綰赤綬以班賞由是曰宜道宜府宜縣且割黎潞
壺關之區而設平順焉蹙此拓彼裂完規而賈實害
張虛數而厚真蠹今其濃實大官若聯露游塵爾然
億兆之墊溺肢骨伐髓不可復拯也悲夫

舊志曰上黨形勝雖著於戰國時考之武王克商已

欲築宮於此周公恃德不恃險故中止

見淮南子後世能

與周德比隆則宜從周公若德遜成周則武王築宮

未可盡非固子房借箸籌漢意也然形勝亦惟昔
全地足以當之初置郡時奄有潞澤沁遼之地居太
行之巔據天下之脊自河內觀之則山高萬仞自朝
歌望之則如黑雲在半天當韓晉之喉肘京洛而履
蒲津倚太原而跨河朔河東雄勝之地也乃其勢東
南絕險一夫當關萬軍難越西北絕要我去則易彼
來則難是謂

國家之重鎮卽曰形勝何愧哉特以元魏分置其後沿
革無常遂令昔時全勝之地至今不能復合則潞止

據太行之東偏耳長治則居潞之心腹其勢似覺深邃然偏落一隅藩籬不固四鄰有警恐未能恃以無恐也守土者其知脩焉

市集

長治縣市集之在城者舊有六曰大石橋曰小石橋曰義井頭曰果子市曰大市門小市門在關廂者二則西若北在鄉村者十有八曰韓店門八義曰北董口南董曰王坊口西火曰東和曰高河曰大峪曰蔭城曰蘇店口郝店曰漳澤曰柳林曰師庄曰安城曰

五集西北兩廂集廢五集輪轉每集十日週而復始
後 郡守蜀渝李公因上黨門地境空廓令府廳吏
役帶巡兩集除義井頭百貨咸脩不必立集外以上
黨門與四門一體設集五方輪轉久之 李公去任
吏役牙僧串通居奇止於上黨門一處設集四門不
復輪轉居民深以爲苦予於戊寅夏初蒞此紳士來
謁者訪以地方利弊咸首以集場不便相告正擬籌
辦間適據闔邑紳士父老公叩 郡憲史奉批查議

因請於四門與上黨門仍一體開集分日輪轉其各
會場連集五日仍聽民便議詳申覆批准遵行自是
四城貧民咸得就近赴集而牙伯亦無從生奸居民
稱便公同勒碑於城隍廟以垂永遠云

坊都

縣治先經州治時原編一百八十里後文丙都告併
三里編爲一百七十七里在城曰坊坊有九編里二
十三在關曰廂廂有三編里四郊外曰鄉鄉有四一
曰太平領都十四編里三十有八二曰五龍領都十

編里三十有九三曰八諫領都十一編里三十有
一四曰雄山領都十一編里四十有二崇禎時仍編
一百七十七里但在城省八坊太平鄉省一里五龍
鄉省一里八諫鄉省一都增二里節經兵亂災荒版
籍半爲鬼籙不成里甲至

國朝順治七年署縣事錢司李鑰申允照依人丁酌量
兼併均編爲百里內在城一坊坊領七里一關廂廂
領一里太平鄉領一十四都都領二十里五龍鄉領
一十一都都領二十六里八諫鄉領十都都領二十

一里雄山鄉領一十一都都領三十五里

順治十六年裁去潞州衛將潞州衛潘陽衛改立潞
潘一里群牧所儀衛司改立群儀一里皆歸併於長
治縣總之得一百二里之數焉

汝州志卷之五

知縣事沭陽吳九齡景文甫脩輯

山川

地之有山川猶天之有雲漢雲漢昭回而在天之文章乃著山川融結而在地之氣運以興文章與氣運又相爲表裏者也故月裡掛山河之影而崑隅開星宿之淵此按圖考籍者先星野次沿革又次疆域而卽繼之以山川良以人物產於斯風俗別於斯田賦出於斯上應天文下區經界洵乃方輿之關鍵顧不

重歟荒古以前莫之能考自柏翳著山海嶽瀆兩經
志方輿者宗之而量高測深則有晉裴秀之禹貢圖
其法莫備焉

國家奠乂日久百靈效職

詔命直省有司祭境內山川明重鎮亦以軫民社也長治
山川如五龍百穀聖井靈泉皆有益於生民者固所
宜詳其餘蒼巖翠壁碧沼清流存高人之逸蹟供學
士之行吟何莫非

盛朝雅化之所沾被爰備載之志山川

太行山

任姜公首列之得其宗矣長治居其巔東界在平順縣朱子所稱河北望之如黑雲在半天者卽此唐元宗幸潞有早登太行山言志詩見

藝文

百穀山

在縣東北十三里高三百四十丈盤踞六里孤峯特立逶迤嵒窳爲羣山冠冕石子河經其南峽上有栢谷寺一名栢谷山下有泉亦經南山峽入於河太平寰宇記百穀山與太行王屋皆連風洞泉谷崖壑嵒窳最稱嘉境昔神農嘗百穀於此因名山建廟仲春上戊日致祭明一統志山與太行王屋相接多栢稱爲栢谷半崖石上一鑊轉運使兵部員外郎張去惑恭侍老親遊此至和二年三月初五日誌一鑊泰和甲子四月癸丑時雨小愆將害麴麥穀不能殫投隙一禱百穀佛祠是日雨霑足王基有重脩神農廟記

詳藝文志

五龍山

在縣東南二十五里高二百二十丈盤踞十六里南連八府墳四里唐志上黨有五龍

山十六國春秋西燕慕容永時有五色雲

見於此遇旱禱雨輒應因置祠以祭五方之

神環山胥茂松冬夏蒼翠李白所謂上黨碧

松烟也樵採者罔敢睨名龍山松以上通志

載入南五龍山下誤龍祠西有觀稼軒西

下有石佛窟北有小松窪詳後又縣南有

五龍山踞城六十里高八百四十丈盤踞十

二里一峯高十二丈五八上有五龍殿周泰

記二千五百尺山與八諫山相近張說奉和

聖製賜崔日知往潞州應制川橫八諫潤山

帶五龍長正謂此也上古十紀二曰五龍

紀春秋命歷序皇伯皇仲皇叔皇紀皇少五

姓同時俱駕龍號曰五龍遁甲開天圖五龍

見敘天皇於此山是否未詳姑存之以備參

小石山

在縣東五里高一百十丈盤踞五里南連鳳凰山二里

鳳凰山

二一在縣東五里高九十丈盤踞六里南連秋谷山四里一名塔兒嶺一在縣南五十里

高八十一丈

盤踞三里

風王山

在縣東六里高五十四丈盤踞三里南連壺口山五里

壺口山

在縣東七里高三十三丈五尺盤踞一里南連小石山三里兩峯夾峙而中虛形似壺口

上有平頂寺

明志漢於此置關未覈

禹

貢既載壺口蔡沈注壺口山名在河東郡今

按此山乃象形而言非書所云壺口也潘

炎九日紫氣賦序景龍三年九月九日上與

羣官壺口山升高時有紫氣光彩照日山

口與城東門相對舊時每當日出或月夜月

西望之有雲氣東障如羣山萬壑莫可端倪地師謂天之所以補缺也為八景之一

秋谷山

在縣東南八里高百二十五丈盤踞三里南連五龍山三十里潞志拾遺秋谷山郡東五里元仁宗大書秋谷二字以賜李孟秋谷者潞東山而李道復之別號也姚燧李半章畫像序上云未出閣有李道復日侍講讀親而敬之嘗召繪工惟肖其形賜號秋谷命集賢大學士王顥書之手刻為扁而署其上又測注曰大德三年四月吉日為山人李道復製

靈泉山

在縣東南十里山半石洞有清泉禱雨多應今封於塵

金粟山

在縣東南三十里高六十二丈盤踞二里

三巘山

二一在城東南三十里高一百一丈盤踞五里一在縣西南五十五里高二百一丈盤踞五

佛山

在城東南五十五里劉尚書麟詩佛有骨亦有齒世賢不用輕相訾晉嶺蟠空天下無擇勝呈聰露其耳當時養性誤養身婉轉形容

尚孤峙佛今已入無何有化作清風常在此聞人附語或厭凡侵肌烈烈長風起入寺烹茶煙火生僧伽半道人羣是何時幻質復西來共開清聽探元始

浮山在城東南五十五里高二百丈盤踞六里上有寶峯寺

雄山在城東南六十里高二百二十七丈盤踞四十七里上有三峯第一峯高三十六丈第二

峯高十七丈八尺第三峯高十四丈疊嶂起伏似遊龍奔馬諸峯羅列特為雄壯相傳元

時有李仙自沁州昇舉卓劍山巔召山下宗族會集拔劍而去即劍穴也明李惟馨杜

敷章程結社稱雄山三老東山坡有大泉寺洵水自北而南經院中從右脇出繞山門

山川

四

而下松栢蒼翠如列屏狀盛夏無暑氣名人時憩息於中異僧海峯曾駐刹有詩二留壁上雄渾壯濶書法亦有龍蛇攫拏之勢殊不類尋常縑流世人重之郡司馬李滄曲曾和其韻 山巔有蝶大小不等五色俱備當伏中遊人携潞紅登其上飲時則千百飛來不避人人亦不爲之害爲八景之一

東山

在城東南七十里呂栴東山書院記曰東山在雄山鄉卽俗所謂東嶺也仇氏族居於此乃於雄山之東嶺建書院焉凡東山之水皆趨聚橫池有格心橋

羊頭山

在城東南七十里高百四十二丈盤踞四里南連三巘山袤十三里南坡連高平縣界山下有洶

金河

雄東山

在城東南七十五里高一百十五丈盤踞五里內東四三山東連壩關縣山

鷄鳴山

在城東南六十里高一百七十丈盤踞四里南界高平鷄鳴兩界皆聞有鷄鳴水地形志

壺關有鷄鳴

嶺一名大山

南雲山

在城東南八十里高六十丈盤踞四里南連高平縣界上有九江廟相傳為仙人所建此

山鳥道崎嶇車馬不能上建時凡磚植居民

止能運至山下至夜半聞牛喘聲黎明磚植

已在山頂歸視牛

馬等汗仍在背也

二仙山

在城南四十里高百四十八丈盤踞三里南連五龍山十三里上有寶雲寺

神山

在城西南七十里高二百丈盤踞十餘里昔童山也今六七年間松林秀發約數百餘株

並非人力所致

真神物也因名

鷓鴣子山

在城南六十里高四百九十九丈盤踞十九里西北山麓有濟瀆廟神座下湧泉殿前環

五色

魚池

八諫山

在城西南六十里下有八諫水長平之役趙軍中有八諫而死者故名

石佛山

在城南七十里高四十丈盤踞三里有石佛寺

南泉山

在城南七十里高百八十丈盤踞十里一名虎坪頂有黑白二潭麓有泉甚甘北山凹爐

平溝湧泉流

入八義河

玉泉山

在城南七十里高二百六十丈盤踞八里

天臺山

在城南二十里高六十九丈盤踞二里四周平坦日出入無影土人傳媧皇煉石地名望

兒臺臺上不容瓦礫間有拋擲於上者隣近居民立見災禍爲八景之一

五定山

在城西南二十五里高九十七丈盤踞七里

斗王嶺 在城西南三十里高百九十里盤踞四里

黎侯嶺 在城西南三十里高百九十里盤踞六里黎泉出焉有黎侯亭縣胥石山獨嶺為土山

秀巖山 在城西南四十五里高六十八丈盤踞五里

紫沙嶺 在城西南五十里高百八十丈盤踞八里南山坡連長子縣界

石泉山 在城西南五十里高七十三丈盤踞五里

團山 在城西南五十里高百八十八丈盤踞四里西連長子縣界

興龍山 在城西南五十五里高一百一十丈盤踞十里

秦洪山 在城西南五十五里高四百丈盤踞二十二里

聖皇嶺 巽山在城西南六十里高百五十五丈盤踞八里

羊腸嶺 在城西南六十里高百六十五丈盤踞四里

福泉山 在城西南七十五里高二百九十五丈盤踞十四里巔有福水禪院

首陽山 在城西北七十五里高五百一丈盤踞三十五里南山坡隸高平西山坡隸長子有泉水

北珏山 在城東北十二里高七百五十五丈盤踞十三里東北連平順山東連壺關山北連潞城

界南連百穀山五里山有五頂其起祠廟最爲壯麗三月三日數百里間咸來拜謁

獅 巒 在珏山東北絕巘形如伏獅故名

九龍山 北珏山之北麓上有九龍廟松林茂密時有名流遊覽頗稱勝境

大獎山 在城東北十五里高二十五丈盤踞二里北山麓連壺關界

大凹山 在城東北十五里高五十五丈盤踞二里

馬駒山 有馬駒山

淘水

在城東南八十里源出雄山東坡北流合淘清河西至長子界入漳水數十里內隱見不

常水經注陶水南出南陶北流至長子城東西轉逕其城北至沙河口東注於漳水通

志引此

似誤

黎水

城南二十五里源出黎侯嶺北流至城西土人名黑水河合石子河西入漳水

故城水

在城西南十六里源出潞之故城即安城鎮土人名破城西北流會黎水

黑龍潭

在城西五里潭小而深時見有黑龍起伏故名又有五色魚取之即病居民以為神物不

敢戲逢旱禱雨甚靈中秋月色上下相映宛如合璧為八景之一

龍潭

在城西三十里一名金龍池

漳水

濁漳自長子鹿谷山發源東流經縣治之南又東入長治界折而北經屯留潞城界入襄垣至縣治東北隅又折而東入黎城界掠潞城之北東入平順界出太行漳義口達河南彰德府界合清漳又合衛北流直達天津王致中詩序乘便游發鳩見泉源清而且冽西與藍水合處清濁不淆如玉帶長拖順流數里乃沒為八景之一

石子河

繇壺關北界經縣境出壺口山西流環城西北下胥亂石又南會黑水河經暴河頭入漳

水凡五龍山東及壺關東北之水胥滙此洪濤聲聞數里

百穀泉

在百穀山神農廟前砥石湧泉寺僧引為伏流注為塘由螭口飛下大壑味甘雖旱不涸

一名神農井上黨記炎帝廟內五十步石泉二所一清一白味甘美呼為神農井為八景

之一

今固

關南界之水胥滙此西流至雄山北麓入海

水土人名
淘金河

第四泉

在城東南五十里二仙山下司馬李公之碑額於亭上謂鎮江令泉居一蘇州虎邱劍泉次之常州惠泉居第三上黨雄山聖泉水居第四環以池有五色魚

鷄鳴水

源出鷄鳴山會雄山東南隅之水北流入八諫水達漳

八諫水

源出入諫山會雄山西南隅之水北流合洵水土人名西火河

山水河

無本潦則錄五龍山奔趨而來環繞南岡皆達黎水

首陽山泉

流入師庄鎮經橫嶺合洵水入漳

玉露泉

甘泉元晉陽張瞻甫知潞州重建德風亭亭前出泉二一日玉露一日甘泉

馬跑泉

在翠巖山南
頂禱雨靈應

聖泉

在蓮花池東十餘武康熙元年湧出中多鱗
色似金後閉涸迄乾隆八年太守李蜀渝司

馬李滄曲復濬源為池東疊石為山建月臺

高二丈架石為仙人洞東南為圓亭名翼山

規西架水為方亭名心水矩通以橋稍南為

迴廊牆鐫石曰仰觀俯察魚躍鸞飛又南為

石橋名葦航規模模錯錯一特名勝因上有

佛殿四月八日興騾馬會遊者如雲集二公

去後經事者有憊心在持僧歡人來往且利

其掾植盡傾之閑者於此不勝今昔之感

附橋梁

龍泉橋

在郡南關

老胡橋

舊名通晉橋在城西三里舊橋比有

金橋蹟

拱極橋

在北關外萬歷四十五年僧妙光募化造橋北有藩府碑題曰卧龍鯨背

永濟橋

在城韓店創自宋宣和間元時重修

洵清橋

在郡南洵清河河源流頗遠又委曲而來夏月有暗漲趨避不及漂沒者多嘉靖中鄉民

建立工頗巨康熙壬子知縣姜恒重修乾隆乙丑丙寅為河衝沒太守李為棟重修

青龍橋

在城西蒲泊村東有王孝廉碑記

古橋

在洵清橋北三里許

天橋

在城東石橋村

石橋

在韓店鎮金皇統中高平舉子六七輩赴都試憩於韓店一道士徧視諸生得李晏執其

手曰公富貴壽考他年當建節於此值水敗道賴公治之語畢不見其年登第歷官至中丞歸老起爲昭義節度使水果敗道父老請脩治晏欣然從之卽今石牖也

附水利

長治西南逼近漳河東岸民田地高河低不能上引以資灌溉卽河西地差平當雨水多時尙有湮沒田禾之患倘益以溝渠則奔流衝決勢將莫遏故自古鮮有議及者

東山暨城鎮諸水西入於漳者雨集則怒漲奔騰陷梁時受其嚙焉

計河之水多因雨集隨霽旋乾惟洶河及鷄鳴入諸
諸水發源有本然亦潛見不常不能引灌

石子河逼近城東北隅大有隍池之慮土人相傳有
鉄板間爲前代所封語雖無稽然至今河循故道城
無水患顧名思義未必無所本也因並誌之

附古蹟

上黨故縣

本漢壺關縣在城東南五龍山之東南麓
舊志載壺口山卜誤今更正後魏志秦置

上黨郡治壺關城後漢董卓作亂復置壺關
城隋廢壺關置上黨縣明省入潞州城廢今
務本四里內
猶稱故縣云

飛龍宮

在子城內一名啟聖宮唐元宗別駕潞州故第開元十一年將幸太原次潞州於故第置啟聖宮後改名飛龍宮明皇過故宮有詩張說有上黨舊宮述聖頌

聖瑞閣

在飛龍宮西元宗在潞州州中獻瑞者前後十有九後踐位潞人獻瑞應圖遂建閣賜名聖瑞閣成白鶴來翔時冊聖應圖文曰一著獻兆百靈翼聖躍馬截流水不敢競潛龍變海池亦呈慶張九齡撰聖瑞閣贊後閣廢僅留一土雖巍挿天表越今春秋不知幾歷究非風雨所能摧為八景之一

德風亭

在郡治後元宗建西有輦道接看花梳洗樓今名遊嶺宋徽宗為節度重葺元廉訪使王思誠地曹侍郎熊戴俱有詩

興唐宮

潘炎童謡賦序云景龍二年九月後常有童謡云羊頭山十月間有一人自天而下

即當之矣

寢堂

潘炎寢堂紫氣賦序云景龍三年十月帝還京後州內所居寢堂上有紫氣七日不散

古塔

在城西南隅故寶雨寺中隋潞州刺史辛彥之建寺不知廢自何代獨塔巍然聳立若天

枉撐空螺旋髻髮孤島上盤 乾隆

九年同知李之曄毀之及半而止

月航

在縣治內有呂和鍾倡和詩序

藏書樓

在郡學後金大定中知州蓋善建貯書萬一千五百二十卷有楊仁風記石存

望雲樓

即平政樓在縣治後知縣尹梁重葺更今名記曰初樓名平政前東漢所建也東漢時西

土晏安邑無多事嘗退省於茲以求化理之道因名焉嗣余代之值 頻年入寇居民

被害甚慘余獨切齒恨焉是以不自量度募壯士繕甲蓄粟欲為防備之計固不敢愛其

身以自逸亦不能遺其親以自便也老母察知余有此心久矣故迎養未幾即告歸去其意蓋恐余左右就養有疎致身之義誠弗願戀戀於斯也雖然人子愛親之心豈能若是翫哉奉公則艱險不辭退食則定省爲念時一登樓雲山在望而眷慕之心自有不能已者故更平政爲望雲焉蓋取古人望雲之遺義也昔者狄梁公登太行見白雲孤飛曰吾親舍其下悵望久之雲移乃去此古人純孝之衷未嘗隆於膝下而忍於遠遊也余雖弗類亦均有人子之分者故竊其義以自警云

子城

在城西北隅隋開皇三年築周廻三里十一歩今府治在其內尚有遺址

黎侯亭

黎歷商周國於此城南三十里黎侯嶺卽亭址

夾寨城

西十三里唐天祐四年梁遣李思安攻潞州夾寨成圍之晉上守房與節度使李嗣昭合

軍於夾寨城得符道昭妻侯氏寵之諸宮謂
之夾寨夫人孫
冲過來寨有詩

還山亭

東南五里元皇慶初李文忠孟平章時歸
葬父忠獻公於先塋側作亭名曰還山

金橋

在郡西南關唐元宗封太山廻車駕次上黨
父老迎謁獻食上受之親加存問賚錫有差
有識悉賜酒食話舊所過村部詢孤窮喪疾
之家弔恤之父老忻忻瞻戴叩乞駐留及過
金橋御路榮轉顧見旗羽鮮嚴謂左右曰張
說言我勒兵三十萬旌旗經千里真才子也
遂召吳道元韋無忝陳閔令製金橋圖聖容
及所乘照夜白馬陳閔王之橋梁山水車輿
人物草樹鶯鳥器仗帷幕吳道元王之狗馬
駝騾貓猴猪狍四足之屬韋無忝王之圖成
時稱三絕方元宗別駕時有童謡曰聖人持
節過金橋至是果驗潘炎有賦曰河彼流水

今清且漣度木爲梁兮斯焉在斯成金橋之
巨麗得鉄鑠之宏規當其受以全模觀其曲
面經始也則大火朝流成功焉乃天根夕見
彰於聖德發彼謳歌千人唱萬人和丹雘蜿
蜒倚晴空之蟠螭瑰材權北超度海之鼃鼉
人且告符功惟用壯非填鵲之可比法牽牛
而爲壯鶴鳴處干鷹覆晴川異東明繫水而
投步匪秦帝驅山而著鞭惟彼童謡兮言猶
在耳大人應運兮奉天而起衆彼橋以徑道
按周道以如砥於是提三尺乘六龍懷萬邦
入九

重

觀稼軒

在五龍山神祠西北隅元州牧張菊軒建郡
人李庭瑞撰記明嘉靖癸巳郡守宋圭重脩
因時雨改名時若亭郡人栗應宏撰記乾隆
癸亥太守李蜀渝禱雨神祠日霖立沛因重
脩是亭仍名曰觀稼軒郡人徐浩石天

龍山松前

張祖村

在城西十五里唐通元先生張果世家於此今子孫猶盛果隱居中條山村有棲霞觀

小松窠

在五龍山東坡四圍峭壁深遠崿偏有松千百章亭亭聳立具撐漢拏雲之勢上建大士

三官閣南為元帝殿後為啓聖祠前架以雲梯盤雲數十丈右為曲房稍東過小橋有孤

亭足資流覽是蓋天然名勝也有周再勲戢脩亭

龍淵井

在五龍山神祠東垣下禱雨所取之水即此

石佛窠

在五龍祠西坡

翰林臺

在石佛寺上數武太史李公所築

西園

明藩藩園又有菊花園在普通寺西

保定園

明保定王建
今為慈仁庵

內邱園

內邱王建
在天王角

唐山園

唐山王建

稷山園

稷山王建

安慶園

在安慶廢府西
又有大隱園

葵園

沁水王建
在演武巷

勝園

在城香爐巷尚書王子衡
讀書處今改為先師廟

桃洞

在城東北
河頭村

留山亭

在同知
署內

以上八園載通志

知縣事沭陽吳九齡景文甫修輯

學校

虞夏商周四代之學尙已漢武帝時因文翁治蜀乃
詔令天下郡縣各立學校西京人物頗稱彬彬雅五代
時惟隋極黌宮之盛唐初設七學以造天下士宋時
先有監學繼有太學明初建國子學又立府縣學其
風皆爲近古乃久之視爲故常舉祖宗所以維持人
心者祇成文具其治尙可問乎蓋教化之原人材之

本胥起於此古帝王所以詳且重也長治學宮始於
前明嘉靖四十三年從御史楊衍慶請也迄今凡三
易地其基始定夫遊其中者此日之弟子員卽他年
之台輔器其於窮理盡性修己治人之學宜各自奮
勵期爲大受材焉寧僅爲梯榮媒利門哉我

國家尊崇聖賢闡揚理學文運駸駸日上將見斯皇多
士鵲起林立亦可徵菁莪棫樸不遺一隅焉至於書
院所以育成人義學所以教童子卽古者黨庠術序
之遺意一切飲射讀法悉屬鉅典因併附列則司攷

與司鐸者固均不可不三致意也志學校

學宮初在府學東明嘉靖四十二年同知葛大紀建

御史楊衍慶
奏請議從

隆慶萬歷間知縣劉四科增建奎星閣

置祭器書籍張主敬增門樓高十尋後知府劉復初
以地臨深坎改卜永豐倉前邑人又以衢巷叢狹復
議改建萬歷四十三年知府陳儒始徙於城東南隅
舊演武場之址規制完美自爲記天啟甲子知縣劉
彬建奎文樓程正巳記

國朝順治十三年知縣王功成重修十五年生員杜棠

馥等重修康熙三年知縣于公允重修更置名宦鄉
賢兩祠東西向王鼎記十七年知縣任進爵重修亦
王鼎記三十三年知縣于元吉重修未竣知縣陸選
昌竟其功乾隆六年知縣徐志幽重修栗培初記
乾隆二十七年知縣吳九齡捐俸率紳士重修殿廡
梁棟易以直木四圍牆垣易以磚石堅固宏敞制度
周詳又櫺星門柱更之以石新設宰牲所閭學署隙
地繚以垣立有石記

萬世師表

生民未有 雍正三年

與天地參 乾隆三年

正殿 南向七楹

至聖先師孔子

謹按

先師自漢以前未有專祀西漢高祖始以太牢祀孔子於闕里至魏正始間祀於辟雍但行於太學迨隋命州縣學皆以春秋仲月釋奠唐高祖乃詔立

廟太宗復命守令主祭厥後歷代相承

國朝因之其封號始於周敬王誅曰尼父漢平帝始封孔子爲褒成宣尼公唐太宗尊爲先聖改宣尼父高宗贈爲太師元宗封文宣王宋真宗加爲至聖文宣

王元成宗加大成至聖文宣王世宗詔稱至聖先師
明洪武二十六年頒大成樂器於天下府學令州縣
學如式製造嘉靖九年詔天下文廟去塑像易以木
主題曰至聖先師孔子神位改大成殿爲先師廟
國朝順治二年仍爲大成殿加稱大成至聖文宣先師
孔子十四年仍改至聖先師孔子康熙九年因北直
學臣蔣超請

詔天下郡縣自嘉靖九年易木主後有聖賢像尚在者不
必撤毀聽其存留二十八年
詔天下郡縣學仍舞八佾添設樂舞生六十四人頒刻禮

樂志發
行各學

四配

復聖顏子

諱回字子淵魯人

述聖子思子

諱伋字子思魯人

在殿內東傍西向

宗聖曾子

諱參字子輿南武城人

亞聖孟子

諱軻字子輿一作子車鄒人

在殿內西傍東向

十哲

閔子

諱損字子騫魯人

冉子

諱雍字仲弓鄭康成曰魯人

端木子

諱賜字子貢衛人

仲子

諱由字子路一字季路尸子史記胥云卞人一云衛人

卜子

諱商字子夏衛人鄭
康成曰溫國卜商

有子

諱若字子若一字子
有鄭康成曰魯人

乾隆三年

在殿內次東西向

冉子

諱耕字伯牛鄭
康成曰魯人

宰子

諱予字子我鄭
康成曰魯人

冉子

諱求字子有鄭
康成曰魯人

言子

諱偃字子
游吳人

顓孫子

諱師字子
張陳人

朱子

諱熹字元晦一字

不殿內次西東向

東廡先賢

蘧子

諱瑗字伯玉衛人

澹臺子

諱滅明字子羽孔安國曰魯人

原子

諱憲字子思鄭康成曰魯人檀弓云仲憲宋人

南宮子

諱适字子容家語云韜史記云括孔安國曰魯人

商子

諱瞿成都周公禮殿聖賢圖云商瞿上字子木魯人

漆雕子

諱開字子開家語云字子若鄭康成曰魯人一云蔡人

司馬子

諱耕字子牛家語云犁耕一字伯牛孔安國曰宋人

巫馬子

諱施字子旗家語云巫馬期字子期鄭康成曰魯人一云陳人

顏子

諱辛字子柳史記禮殿圖胥云顏辛鄭康成曰魯人

曹子

諱卹字子循蔡人

公孫子

諱龍字子石家語云公孫龍衛人鄭康成曰楚人孟子注云趙人

秦子

諱商左傳云秦丕茲字子丕家語云字不慈鄭康成曰楚人一云秦人

顏子

諱高家語云顏刻字子驕魯人

壤駟子

諱赤禮殿圖云壤西赤字子徒一字子從鄭康成曰秦人

石作子

諱蜀家語云石子蜀字子明秦人

公夏子

諱首家語云公夏守字承一字子襄鄭康成曰魯人禮殿圖云成

子
字里之鄭康成曰齊人

奚容子
諱藏字子哲家語云
奚藏字子偕魯人

顏子
諱相字襄家語云
顏相字子襄魯人

句井子
諱疆字子疆一字子界闕里志字
野山東志字子孟鄭康成曰衛人

秦子
諱祖字子南鄭
康成曰秦人

縣子
諱成字子祺家語云字子橫
鄭康成曰魯人禮殿圖不載

公祖子
諱句茲家語云公祖茲禮殿
圖云公孫勾茲字子之魯人

燕子
諱伋字思家語云
燕緞字子思秦人

樂子
諱欬家語云樂欣字
子聲魯人一云秦人

狄子

諱黑字皙家語云字皙之一云子皙衛人

孔子

諱忠家語云孔弗字子蔑孔子兄孟皮子

公西子

諱蒧家語云公西蒧字子上一作子尚魯人

顏子

諱之僕字叔家語云字子叔鄭康成曰魯人禮殿圖不載

施子

諱之常字子恒家語云子常魯人

申子

諱棖家語云申續史記云申黨禮殿圖云申黨字周一云字子周魯人

左邱子

諱明魯人

秦子

諱冉字開家語不載

牧子

諱皮朱註

公都子

公孫子

諱王

張子

諱載字子厚
宋鄆縣人

程子

諱頤字正叔
宋河南人

西廡先賢

林子

諱放
魯人

宓子

諱不齊字
子賤魯人

公冶子

諱長字子長家語
云萇字子芝齊人

公皙子

諱哀字季次家語云公西哀字
季仇禮殿圖云公皙哀齊人

高子

諱柴字子羔鄭康成曰
衛人一云齊人

樊子

諱須字子遲鄭康成
曰齊人一云魯人

梁子

諱鱣一云鯉字叔
魚齊人一云魯人

冉子

諱孺字子魯家語云
字子魚一字曾魯人

伯子

諱虔字子析家
語云字楷魯人

冉子

諱季字子產鄭
康成曰魯人

漆離子

諱徒父家語云漆
離從字子文魯人

漆離子

諱哆字子斂家語云漆
離侈鄭康成曰魯人

公西子

諱赤字子華鄭

任子

子選鄭康成曰楚人

公良子

諱孺字子正鄭康成曰陳人

公肩子

諱定家語云公肩字子中晉人一云魯人

鄔子

諱單禮殿圖及徐廣胥云鄔單字子家齊人徐廣云太原有鄔縣家語不載

罕父子

諱黑字子索家語云宰夫黑字索魯人禮殿圖不載

榮子

諱旗家語云榮祈人物志云榮期字子祺魯人

商子

諱澤字子秀一字子季魯人

左人子

諱郢字行家語云左郢字子行鄭康成曰魯人

鄭子

諱國字子徒家語云薛邦字子從史記作國者以避高祖名薛訛為鄭也魯人

原子

諱亢家語云原杭字籍史記云原元籍闕里志名挑字子元魯人

廉子

諱潔史記云廉絜字庸家語云字子庸一字子曹鄭康成曰衛人禮殿圖有廉絜附錄

叔仲子

諱會字子期鄭康成曰晉人

公西子

諱輿如家語云公西與字子上一字子文魯人

邾子

諱異字子斂家語云邾選字子欽鄭康成曰魯人

陳子

諱元字子元一字子禽陳人史記不載

琴子

諱張家語云琴牢字子開一字子張衛人史記不載

步叔子

諱乘字子車鄭康成曰齊人

秦子

諱非字子之鄭康成曰秦人

子
康成曰魯人

顏子
諱何字冉鄭康成曰
魯人禮殿圖不載

縣子
諱亶字子象
史記不載

樂正子
諱克

萬子
諱章

周子
諱敦頤字茂
叔宋營道人

程子
諱顥字伯淳
宋河南人

邵子
諱雍字堯夫
宋范陽人

東廡先儒

公羊子

諱高齊人

孔子

諱安國字子國至聖十一世孫漢魯人

毛子

諱萇字長公漢趙人

高堂生

漢魯人

鄭子

字康成漢高密人

諸葛子

諱亮字孔明漢瑯琊人

王子

諱通字仲淹隋龍門人

司馬子

諱光字君實宋夏縣人

胡子

諱安國字康侯

尹子

諱熾字彥明
字德克宋洛人

呂子

諱祖謙字伯恭
宋婺州人

蔡子

諱沈字仲默
宋建陽人

陸子

諱九淵字子靜
宋金谿人

陳子

諱淳字安鄉
宋龍溪人

魏子

諱了翁字華父
宋印州人

王子

諱栢字會之
宋金華人

許子

諱衡字仲平
元河內人

許子

諱謙字益之
元金華人

王子

諱守仁字伯安明餘姚人

薛子

諱宣字德溫明河津人

羅子

諱欽順字允升明泰和人

陸子

諱隴其字稼書平湖人

西廡先儒

穀梁子

諱赤字元始魯人

伏子

諱勝字子賤漢鄒平人

后子

諱蒼一云倉字近君漢東海人

董子

諱仲舒漢黃川人

杜子

漢偃師人

范子

諱審晉順陽人

韓子

諱愈字退之唐南陽人

范子

諱仲淹字希文宋吳縣人

胡子

諱瑗字翼之宋如皋人

楊子

諱時字中立宋將樂人

羅子

諱從彥字仲素宋南劍人

李子

諱侗字原中宋劔浦人

張子

諱栻字敬夫宋綿竹人

黃子

諱幹字直卿
宋閩縣人

真子

諱德秀字景元更
字景希宋浦城人

何子

諱基字子恭
宋金華人

趙子

諱復字仁甫
元德安人

金子

諱履祥字吉
父元蘭溪人

陳子

諱澔字雲柱
元都昌人

陳子

諱獻章字公
甫明新會人

胡子

諱居仁字叔
心明餘干人

蔡子

諱清字介夫

崇聖祠在正殿後舊爲啟聖公祠

國朝雍正三年

欽改爲崇聖祠追封孔子五代王爵復以張載父迪從祀

正殿

肇聖王木金父公正中南向

裕聖王祈父公東一室南向

詒聖王防叔公西一室南向

昌聖王伯夏公東二室南向

啟聖王叔梁公西二室南向

配位

先賢顏氏

諱無繇字路家語云顏繇字季路禮殿圖云顏無由顏子父

先賢孔氏

諱鯉字伯魚至聖嗣子思父

在殿內東西向

先賢曾氏

諱點史記云曾蒧字皙家語云字子皙曾子父

先賢孟孫氏

諱激字公宜魯公族孟孫之後孟子父

在殿內西東向

先儒周氏

諱輔成敦頤父

先儒程氏

諱珦字伯溫頤父

先儒蔡氏
諱元定字季通沈父

在殿內西向

先儒張氏
諱廸載父

先儒朱氏
諱松字喬年熹父

在殿內東向

陳設
雍正三年頒定

正位 禮神制帛一
色白磁爵三牛一羊一豕一登

一實以
太羹 鉶二
實以和羹 簠二
實以黍稷 簋二
實以稻粱 籩十
實以鹽藁魚

鹿脯棗栗榛菱
豆十
實以韭菹菁菹芹菹笋菹醢 酒
芡黑餅白餅
醢鹿醢兔醢魚醢脾所豚胎

罇一 四配位 每位禮神制帛一色白 白磁爵三羊

一豕一銅一實以簋二實以簋二實以籩八實以形

鹿脯棗栗 豆八實以藟藟藟藟藟藟藟藟 酒罇一 十

哲 東五位五案又有子一位一案禮神制帛一色白

白磁爵各一豕一銅各一實以簋各一實以簋各一

稻實以籩各四實以形豆各四實以豕首一

西六位六案與東六位陳設同 東廡 禮神制

帛一色白銅爵各一豕三每案簋一簋一籩四豆四實

上西廡陳設與東廡同 崇聖祠正位五案每位禮

制帛一白磁爵三羊一豕一鉶一簋二簋二邊八

豆八

實同上

酒罇一

配位每位一案禮神制帛二豕

首一每位銅爵三簋一簋一邊四豆四

實同上

豕肉

一兩廡禮神制帛二每位銅爵三簋一簋一邊四

豆四

實同上

豕肉一

祭儀

春秋二仲月上丁日祭獻官散齋二日致齋一日前

一日演樂省牲祭日三更鼓祭事皆備鼓再嚴樂舞

生執事者各立丹墀左右鼓三嚴引贊引各獻官廟

門外立通贊唱樂舞生就位樂生各序立于廟庭奏樂之所兩司節者分引舞生至丹墀東西兩階各序立於舞佾之位兩司節者退至舞生兩班之首持節相向立唱執事者司事陪祭官就位分獻官就位獻官就位引贊引獻官至拜位引贊退位唱瘞毛血執事者捧毛血正廟由中門出四配十哲兩廡由左右門出瘞于坎遂啟俎蓋唱迎神樂奏咸和之曲麾生揚麾樂生擊祝樂作司節舉節舞生執籥秉翟而舞叩首再叩首三叩首興麾生偃麾樂盡操攸司節者

節舞生罷舞唱奠帛行初獻禮捧帛者捧帛執爵者
執爵引贊引獻官詣盥洗所勺水淨巾引詣酒尊所
司尊者舉罍酌酒執爵捧帛者在獻官前行正廟帛
爵由中門入四配帛爵由左門入各於神案側立引
贊引獻官亦由左門入詣至聖先師孔子神位前
樂奏寧和之曲麾生揚麾樂生擊祝樂作司節舉節
舞生執籥秉翟而舞獻官跪捧帛者西向跪進帛獻
官獻帛授接帛者奠于神位前案上執爵者西向跪
進爵獻官獻爵授接爵者奠于神位前叩首興詣讀

祝位

祝位在香案前

引贊引獻官至祝位麾生偃麾樂暫止

讀祝者跪取祝文退立於獻官左獻官并各官及讀

祝者皆跪讀祝文曰維某年歲次某某月某朔越幾

日某官某等敢昭告于至聖先師孔子曰維師

德配天地道冠古今刪述六經垂憲萬世惟茲仲春秋

謹以牲帛醴齊粢盛庶品祗奉舊章式陳明薦以

復聖顏子宗聖曾子述聖子思子亞聖孟子

配尚饗叩首興麾生舉麾樂生接奏未終之樂引贊

引獻官詣復聖顏子神位前跪捧帛者跪進帛於

獻官右獻官獻帛授接帛者奠於神位前案上執爵者跪進爵於獻官右獻官獻爵授接爵者奠於神位前叩首興次詣宗聖曾子述聖子思子亞聖孟子神位前儀同復聖復位引贊引獻官至原拜位立通贊唱行分獻禮各引贊引分獻官詣盥洗所勺水淨巾引詣酒尊所司尊者舉罍酌酒各引贊引分獻官至十哲兩廡神位前跪捧帛者跪進帛分獻官獻帛授接帛者奠於神位前捧爵者跪進爵分獻官獻爵授接爵者奠於總案上執事者於各神前自奠

一爵叩首興復位麾生偃麾樂盡櫟敔司節伏節舞生
罷舞通贊唱行亞獻禮引贊引獻官詣酒尊所司尊
者舉冪酌酒詣至聖先師孔子神位前樂奏安和之
曲麾生揚麾樂生擊祝樂作司節舉節舞生執籥秉
翟而舞儀如初獻四配十哲兩廡亞終二儀胥同初
獻復位麾生偃麾樂盡櫟敔司節伏節舞生罷舞通
贊唱行終獻禮儀同初獻樂奏景和之曲樂作佾舞
獻爵諸儀畢復位麾生偃麾樂盡櫟敔司節伏節舞
生罷舞通贊唱飲福受胙進福酒者捧爵進福胙者

取正壇羊左肩胙置於盤引贊引獻官詣飲福位跪

飲福位卽讀祝位

捧福酒者跪進酒於獻官右獻官受飲以

爵授接爵者捧福胙者跪進胙於獻官右獻官受胙以胙授接胙者由中門捧出叩首興復位叩首再叩首三叩首各官同唱徹饌樂奏宣和之曲樂生奏如前式執事者跪舉籩豆一器一舉而徹兩班司節分引舞生於丹墀東西相向序立不舞麾生偃麾樂盡櫟歌唱辭神樂奏祥和之曲樂生奏如前式叩首再叩首三叩首各官同麾生偃麾樂暫止讀祝者捧祝

奠帛者捧帛各詣瘞所正廟由中門出四配十哲兩
廡帛由左右門出唱望瘞麾生揚麾接奏前樂引贊
引獻官分獻官陪祭官至瘞所唱焚文帛九段焚訖
麾生偃麾樂止復位通贊唱禮畢 崇聖祠同日先
祭無樂舞餘儀同

樂章

迎神 咸和之
曲無舞

大哉孔聖道德尊崇維持王化斯民是宗典祀有常

精純並隆神其來格於昭聖容

奠帛

筵和之
曲有舞

自生民來誰底其盛惟師神明度越前聖粢帛具成
禮容斯稱黍稷非馨惟神之聽

初獻

安和之
曲有舞

大哉聖師實天生德作樂以崇時祀無斁清酤惟馨
嘉牲孔碩薦羞神明庶幾昭格

亞獻

景和之
曲有舞

百王宗師生民物軌瞻之洋洋神其寧止酌彼金罍
惟清且旨登獻惟三於嘻成禮

終獻

景和之曲同
亞獻有舞

徹饌

宣和之
曲有舞

犧象在前豆籩在列以享以薦既分既潔禮成樂備

人和神悅祭則受福率遵無越

送神

祥和之
曲無舞

有嚴學宮四方來崇恪恭祀事威儀雝雝歆茲悃聲

神馭還復明禋斯畢咸膺百福

望瘞

祥和之曲同
送神無舞

樂器

雍正三
年所定

麾 金鐘 玉磬 鼓 搏拊 祝 敔

琴 瑟 排簫 笙 簫 笛 塤

舞器

節 羽 籥 干 戚

戟門 五楹

姓氏詳名宦志

名宦祠 五楹戟門外東傍西向

姓氏詳人物志

鄉賢祠 五楹戟門外西傍東向

泮池 戟門外

忠義孝弟祠 三楹戟門外次東西向

姓氏詳人物志

齋明亭

三楹戟門外又次東西向

省牲所

三楹戟門外次東西向

宰牲所

戟門外東南隅闕學署隙地繚以垣

櫺星門

參天兩地坊

櫺星門外東向

祖帝宗王坊

櫺星門外西向

明倫堂

五楹卷棚三楹

尊經閣

三楹二層

下有敬一碑宋儒五箴
上貯經史諸書

齋房

東西各五楹

舊爲諸生講業地

教諭宅

詳官署

訓導宅

詳官署

文昌閣

兩簷三楹在學宮正北

魁星樓

兩簷八角在學宮東南

朱衣祠

三楹

魁樓南對向四圍土垣合樓在內中有壁池池有石柱東爲龍門坊西爲

第一泮門

五魁樓

磚甃五面在南城東隅垣上高三丈

文風樓

兩簷六面在東城南隅垣上高二丈五尺

射圃

上黨書院西

北有校射亭四楹南有坊今俱廢

鄉飲

每歲正月望日十月朔日雖在府學舉行而賓饌俱係邑人屬本學齋長薦舉故載

講約

每月初二十六為期在舊衛前東嶽廟

書籍

周易折中

三部每部十二本

尚書

三部每部二十四本

詩經傳說彙纂

三部每部二十四本

春秋

三部每部二十四本

性理

三部每部五本

朱子全書

十二本

四書解義

十二本

四書文

二十本

康熙字典

四十本

史記

前漢

二十本

後漢書

本二

三國志

本一

晉書

本三十

南史

本二十

北史

本三十

魏書

本二十

宋書

本二十

南齊書

本十

北齊書

本八

梁書

本八

陳書

本四

周書

本八

隋書

本二十

唐書

本四十

五代史

本八

宋史

本一百

遼史

本八

金史

本二十

元史

五十本

明史

一百一十二本

明史綱目

四本

生員歲科兩試每試入學二十名武生歲試入學二

十名

立學以來額數莫考康熙間定爲十五名雍正三年定爲二十名

廩生二十名增生二十名禮生樂舞生三十六名副

四名奉祀生無定額

文廟春秋二祭祀銀四十兩

崇聖名宦鄉賢三祠祭祀銀二十一兩一錢八分

鄉飲酒禮銀二十兩

辦望行香講書銀八兩四錢

教諭俸銀四十兩

訓導俸銀四十兩

廩生二十名每名餽糧銀三兩二錢共銀六十四兩

齋夫三名每名工食六兩共銀一十八兩

膳夫二名每名工食銀六兩六錢六分六釐六毫五

絲共銀一十三兩三錢三分四釐

赴考貢生酒席及考中正貢花紅等銀一十二兩

新中舉人以二人爲率花紅酒席銀一十五兩

舉人牌坊銀二百四十一兩一錢七分五釐二毫七絲九忽一微以十一名爲率

餞送舊舉人會試盤費酒席等銀一百九十五兩二錢五分以十一名爲率

新中進士以一名爲率旗匾賀儀銀一十兩

門斗三名每名工食銀六兩共銀一十八兩

膳錄書手盤費等銀三十兩

廩生二十名每名穀七斗二升

貧士二十名每名穀六斗四升七合五勺

原額學田共地一百一十八畝三分內平地九十六畝五釐每畝租穀五斗坡地二十二畝每畝租穀三斗共穀五十四石七斗貯常平倉每年府學廩生貧士共食穀二十七石三斗五升

續增學田九十八畝一分七釐二毫在大辛莊史家莊後因佃戶漸侵乾隆八年知縣徐志幽清查增地五畝五分五釐二毫除佃戶納糧外每年共租米一十一石九斗零五合六勺教諭訓導分食

又續增學田六十畝知縣于公允置在儒學左右每
年租穀四十石作文昌書院士子膏火之需書院後
廢康熙二十年知縣任進爵與紳士公議以此租修
葺學宮餘爲士子考試卷冊之費立有碑記
文廟在民間者

一在東門內

鄉約所

一在演武巷

一在所坊巷

勝園內

一在西火鎖

宋紹聖間建

一在西故縣

元至正間建

一在北董鎮

明萬曆時建

一在北寨村

明隆慶時建康熙六年重修

蓮池書院

守碩岱改爲五龍書院後守程憲復改蓮池書院教化復古振興學校同別駕錢國璽縣令姜愼學博王良弼紳士萬代尙王龍呂和鐘溫子偉等月課士子藝文鼓舞激勸一時人文蔚起內有東西社學令庠俊髦設教於中以教民間子弟後廢及雍正年間知縣郭麟生併四城社學復於蓮池建立義學延援貢栗溫教育其中每歲捐俸爲脩脯資多所成就數十年未嘗或廢今漸傾圯知縣吳九齡特建講堂重修文昌殿及各學舍仍爲蓮池書院義學移置後院其脩脯膏火等費另詳勒碑記

雄山書院在本縣蔭城鎮雄山之麓創自宋靖康間

後廢元泰定乙丑蔭城儒士李桓修復之有殿廡齋

堂畧倣郡學有田二頃松萬株以給講學者尙書李
惟馨請於禮部署榜曰雄山書院後鄰寺僧侵伐其
木內有可已亭知非齋萬松亭俱廢

東山書院在本縣東火村嘉靖間義門仇氏建東山
之巔隆慶初移置本村呂磚記今廢

社學

一在縣西潤德坊

一在西門內五龍廟左

一在華陽廟側

一在北門內西

一在南關廟

一在南門內東

郡城社學舊有六所各有亭有舍以教貧家子弟兵燹之後俱廢康熙七年知縣姜愷於四門設立社學今俱廢

啓蒙義學在縣東三聖堂知縣吳九齡建其脩脯地畝另勒碑記

長江集

卷之二

長治縣志卷之七

知縣事沭陽吳九齡景文甫脩輯

賦役

什一者天下之中正也禹貢賦有九等周禮太宰以
九賦歛財賄小司徒均土地以稽其人民所供者馬
牛車輦所出者畜牧農桑雖口食租禾稅哉依然寓
仁政於輸將也若夫楊炎兩稅安石青苗反裘負薪
賣絲糴穀大田碩鼠遍野哀鴻勢將筭緡權酷白着
博徵剔空田宅害及雞豚誰稽黃冊孰察花分此耕

九餘三用一緩二洵古人之良法美意耳長治居太行之巔地多沙石半屬不毛即可耕之土類多磽确不當膏壤之十一又土性剛燥連旬不雨則大雩爲災咸走羣望而禱祠兼苦霜雪蚤降一歲無再熟之五穀刈穫稍遲則冷地晚禾半菽不飽計自播種登塲一切牛種傭直諸費以迄正供雜稅摠計一畝之所費其所入亦寧復有幾自非力敦勤儉固不足以慶盈寧繁生齒也我

國家休養生息百有餘年田畝之成式戶口之版圖班

班可考一邑之內實繁有徒惟正之供趨承恐後志

賦役

出賦之在潞州者洪武中官民地五千七百一十一
頃八十一畝二分三釐正耗稅糧四萬二千五百七
石六斗八升四合六勺五抄一撮分麥八千五百一
石五斗三升六合九勺三抄二圭分米三萬四千六
石一斗四升七合七勺二抄八圭永樂中奉例免徵
糧三百七十七石八斗四升六合五勺二抄七撮分
麥八千四百二十五石七斗五升九合六勺二抄四

撮米三萬三千七百四石七升八合五勺民屯地四
頃九十三畝九分徵夏秋屯米一十一石八斗七升
五合分夏屯米二石三斗七升五合秋屯米九石五
斗後嘉靖初置縣田若賦無所增損至萬曆九年遵
詔清丈得上中下三等其地六千三百九十六頃一
十畝八分九釐二毫正耗稅糧四萬二千一百二十
九石八斗三升八合一勺二抄四撮分夏麥八千四
百二十五石七斗五升九合六勺二抄四撮秋米三
萬三千七百四石七升八合五勺上地二千五百三

十七頃四十五畝五分五釐每畝正耗徵夏麥一升
六合秋米六升四合中地三千三百五頃八十五畝
二分三釐四毫每畝正耗徵夏麥一升一合六勺秋
米四升六合七勺七抄七撮六圭下地五百五十二
頃八十畝每畝正耗徵夏麥九合四抄二撮秋米三
升六合一勺八抄七撮屯地新丈並無增減上屯地
六十五畝九分一釐每畝徵夏屯米八合一勺五抄
六圭秋屯米三升二合六勺二抄四圭中屯地一頃
一十畝六分九釐每畝徵夏屯米六合一勺五抄一

撮二圭秋屯米二升四合六勺四撮八圭下屯地三
頃一十七畝三分每畝徵夏屯米三合六勺四抄六
撮二圭秋屯米一升四合五勺八抄四撮八圭有馬
草六萬七千四百五束每束徵銀七分八釐五毫四
絲站銀舊夏秋共二千四百二十兩九錢二分三釐
萬歷乙酉將協濟漳澤余吾禱亭三驛馬頭之幫貼
者悉裁去復增銀三百三十二兩六錢二分五釐六
毫於是邑無重累矣

國朝新頒賦役全書開載長治縣原額民田共地六千

一百四十六頃一十畝八分九釐二毫內上地二
一百四十九頃五十五畝每畝徵糧八升一撮四圭
六粒中地三千八百四頃三十五畝八分九釐二毫
每畝徵糧五升八合五勺六撮七圭八粒下地五百
九十二頃二十畝每畝徵糧四升五合一勺七抄一
撮五圭三色共徵夏秋糧四萬二千一百二十九石
八斗三升八合一勺二抄四撮內

本色糧一千五百石

折色糧四萬六百二十九石八斗三升八合一勺二

抄四撮坐價不等并絲絹馬草共派銀三萬四千六百二十兩五錢三分四釐七毫八絲五忽地畝九釐銀五千八百九十一兩四錢九分八釐一絲驛站銀三千二百三十兩五錢六分七釐五毫通共銀四萬三千七百四十二兩六錢二毫九絲五忽屯田共地四頃九十三畝九分共徵本色糧一十一石八斗七升五合王田共地三十五頃六十五畝八分五釐共徵糧一百四十一石四斗六升八合三勺二撮一圭內晉府王田坡地一十七頃共糧五十四石四斗

坡地一十六頃五十畝共糧五十石二斗四升八合
三勺二撮一圭灌府王田上地八十八畝八分五釐
其徵本色糧一十七石七斗七升內有園地五畝五
分加租銀一兩中地一頃二十七畝共徵本色糧一
十九石五升加增豐贍庫夏秋糧并馬草共徵銀一
兩三錢五分五釐零加增絲絹銀一十兩四錢順治
十二年清出無糧民田地五頃七十八畝五釐五毫
徵本色糧一石二斗二升七合零折色銀三十六兩
一錢八分九釐五毫零

康熙十六年清出並續查出隱漏額外無糧民田共
地一十六頃八十四畝七釐共徵糧九十九石二斗
四升四合三勺零額外河灘山淤並告首共地一十
二頃五十八畝二分六釐內山淤地一十頃五十畝
三分每畝徵租銀二錢一分八釐七毫零首出無糧
河淤地二十四畝三分三釐每畝徵租銀六分一釐
六毫零續報河淤地一頃八十三畝六分三釐每畝
徵租銀六分一釐六毫零三頃共徵租銀二百四十
二兩五錢二分一釐六毫六絲

康熙四十一年開墾民田地六畝共徵糧二斗七升
合二抄零

雍正六年首墾額外民田共地三頃一十五畝五分
八釐一毫共徵糧一十六石九斗四升四合三勺零
乾隆七年查出欺隱額外民田上地一十五畝五釐
三毫共徵糧一石二斗四合二勺零

以上通其民田屯田更民田並開墾河灘山淤實
在熟地六千六百二十五頃二十七畝六分六釐
一毫各徵不等

本色糧一千二百二石四斗六升二合九勺零

折色並加增馬草絲絹租課共銀四萬四千五百八十三兩六錢六分六釐一毫零又於乾隆十年詳奉題允丁徭歸入地糧徵收銀九千八兩五錢七分九釐七毫零

匠價銀一百九十八兩九錢於乾隆二年攤入地糧徵收

額酒課銀三百兩 春秋二季徵解

以上通共銀五萬四千九十一兩一錢四分五釐

八毫

田房稅契銀四十九兩九錢一釐七毫盈餘銀六百

四十四兩一錢八分五釐二毫

牙稅銀一千二十一兩八錢

本色米九百三十八石八斗七升二合三勺一抄一

撮一圭六粟

黑豆三百七十二石五斗五升三合二勺七抄七撮

四圭九粒四粟

戶口之在潞州者明洪武中實在戶二萬八千五百

二十四口一十九萬六千九百一十八弘治時實在
戶二萬三千二百一十七口一十五萬六千七百一
十六嘉靖初置縣後實在戶二萬四千四百三十七
口一十四萬三千一十四萬歷三十七年長治縣實
在戶二萬四千三百七十七口一十四萬二千九百
四十五歲辦銀差均費銀共 萬四千六百一十五
兩有奇遇閏加銀二百二十七兩有奇力差均役銀
共四千八百九兩有奇遇閏加銀九十一兩五錢有

奇

國朝編審後本縣實在戶七千九百六十六口五萬五
千二百五十八實徵均徭并清理出幼丁流民供丁
及新加顏料不敷共銀一萬六千三百二十八兩有
奇順治十六年將潞州衛濟陽衛群牧所儀衛司丁
徭歸併於本縣共計二千一百一十四丁實徵徭銀
三百八十五兩有奇查順治五年實編原額實定計
六萬一千四百五丁額編徭銀一萬九千六百八十
九兩七錢一分四釐一毫七絲七微二纖繼於順治
八年二月內具疏題請奉

旨蠲免六年姜瓖作亂 厥復殺傷人一萬一千一百

四十二丁豁免徭銀三千八百四十九兩五錢八分

四釐外實在人計五萬二千六十三丁順治十一年

審編額定人五萬四千二百八十五丁順治十四年

九月覆題請奉

旨蠲免逃亡人丁一百五十六丁額免徭銀四十七兩二

錢九釐外實在人計五萬九千四百四十丁康熙元

年審編額定人六萬五千九百八十八丁至康熙六年審

編計六萬一千二百三十七丁徭銀一萬六千三百

一十八兩七錢九分三釐二毫六絲一忽一微二纖
七沙六塵四渺二埃一漠較順治十四年原額增出
人一千七百九十七丁復順治十四年逃亡人丁徭
銀四十七兩三錢九釐六毫再查較前順治八年開
除傷亡過人丁尙缺額一百六十八丁并前次豁免
徭銀三千八百四十九兩五錢八分四釐未復原額
康熙十年十月內知縣姜愷編審增出人丁九百四
十九丁徭銀二百二十七兩一錢三毫九忽五微六
纖三沙六塵五渺四埃八漠以後每屆編審皆有增

丁並丁徭銀至康熙五十二年遵欽奉

恩詔以康熙五十年審定丁冊爲常額續生人丁永不加

賦今乾隆二十二年分實在其人六萬六千四百六

十七丁內除紳衿優免外實行三則差六萬五千七

百一十六丁順治十二年清出土著新編人二百一

十六丁順治十四年清出紳衿優免供丁八百四十

五丁三則通其實行差人六萬六千七百七十九丁

下上則每丁徵銀七錢六分四釐三毫零下中則每

丁徵銀五錢一釐下下則每丁徵銀二錢五分六釐

共徵銀一萬七千三百三十四兩四錢四分九釐七毫零內於乾隆十年詳奉

題允丁徭歸入地糧徵收銀九千八兩五錢七分九釐七毫零除歸地糧外下上則每丁徵銀三錢七分下中則每丁徵銀二錢五分下下則每丁徵銀一錢二分其實徵徭銀八千三百二十五兩八錢七分遇間加銀三十一兩一錢三分七釐五毫

康熙五十五年審編續生人四百三十四丁六十年審編續生人四百四十丁

雍正四年審編續生人五百四十三丁九年審編續生人五百六十一丁

乾隆元年審編續生人一百四十九丁六年審編續生人九百五丁十一年審編續生人五百二十九丁十六年審編續生人六百七丁二十一年審編續生人六百二十三丁二十六年審編續生人六百五十一丁遵欽奉

恩詔清出續生人共計五千四百四十二丁永不加賦

又潞州衛歸併本縣屯人二千一百八十八丁下中

每丁徵銀一錢七分下下則每丁徵銀九分其徵
均徭銀一百九十七兩八錢八分遇閏加銀二兩三
錢六分一釐七毫

常平倉原額存貯穀一萬六千石乾隆二十七年奉
文增買穀八千石廣實倉所貯卽係常平倉穀

雍正三年起至六年止設立社倉處所開列於後

關村 高河鎮 信義村 原家庄 北董鎮

東門外 西門外 蘇店鎮 南董鎮 韓店鎮

東韓村 東和鎮 八倫鎮 桑梓鎮 王坊村

南王慶村 西池村 蔭城鎮 西火鎮

以上十九處按里捐輸共貯穀二萬三千五百三十石八斗五升七合

乾隆十二年設立義倉三處 安城鎮 東火村

石炭峪 士民樂輸共捐穀三千五百四石一斗歷年詳請出借收捐息穀至今實在貯穀四千六百九十四石三斗零

保甲屢遵 憲檄捐脩紙張編歷鄉村新編保甲門牌每戶刷給一張填寫男女姓名生理十戶立一牌

頭十牌立一甲長各村歷有總副鄉約又於雍正五年奉文設立保正凡遇大村各設一名互相稽查地方寧謐不致疎虞

評曰鄉約之設卽古者飲射讀法之禮也保甲之設卽古者比閭族黨之制予以化民予以衛民政誠善矣顧鄉約務擇耆年碩德其素行足以信服於一鄉庶不致訕其是非且戶口殷繁則保甲之法尤須詳審精密卽所以防於未然之道且鄉約亦保甲中人也鄉約得人則保甲修舉矣

鹽法

明宏治五年黃冊開載潞州戶口食鹽鈔四萬三百八十二錠二貫嘉靖時初置長治縣額辦戶口鹽鈔四萬六百二十八錠四貫折銀六百九兩三錢八分七釐崇禎時歲銷鹽引本縣原額九千四百引

國朝順治十四年鹽運使公額補國科臣王紀條議經運司布政司酌議具

題戶部覆准本縣均定舊額一萬七千一十七引應加

新增四千一百五十一引十五年又經鹽運使公榮

宗具

題照依實在人丁攤派本縣計實在人五萬四千二百八十五丁該引一萬三千二百五十引新加引三千二百三十二引十六年又經鹽臺劉公曰義具

題部覆照依長蘆減引徵課之例將新增河東引數減去其應徵課銀加入舊引之中奉

旨依議本縣減過新增三千二百三十二引歲辦舊額一萬三千二百五十引後於康熙三年知縣于公允累經詳豁極力申請鹽臺董公文驤具

題部覆減額一千八百五十五引招商按季繳納民無

派引之累

以「照依舊志開列

今查引除詳豁奉

題減額外實銷引一萬一千三百九十五引於康熙五

年四月內招商余裕國接辦照數按季繳銷十七年

正月內另招宗奇耀接辦按數銷引十九年九月內

范時太接辦至四十三年退商招補靳之儀照額接

辦四十七年七月內王允治遵照原額接辦又於雍

正七年奉巡鹽察院碩添引符鹽等事內增引二百

八十四道乾隆元年正月內范天錫頂補接辦十一

年奉文代銷蒲夏二縣八十一引共銷引一萬一千七百六十引每鹽一斤價銀一分六釐於乾隆二十一年腳價高昂每斤增價銀二釐又於二十二年池鹽少出每斤增價銀一釐又於二十六年正月內另招新商柴椿接辦本年奉文每斤又增加銀一釐現今每鹽一斤共合價銀二分該商自行按季銷引並無民累

舊志載晉督條陳潞澤鹽引

白樂真

題爲仰遵

上諭敬陳鹽引偏苦之累設法疏通以蘇民困事竊照鹽法所關綦重必使疏通得宜小民方免偏苦而

國課亦無虧欠臣查晉省鹽額如太原府屬事例先將一年鹽引彙發府州縣責令行鹽繳引故鹽無遲滯而引額依期完銷是以官民兩便至於潞安府並澤州各屬俱行商人之鹽而買商人之引且其地方距河東鹽池七八百里不等駝運肩負崎嶇跋涉往返二十餘日盤費物力維艱况因丁少引多民窮財盡是以百姓割肉醫瘡告累難支鹽引不能按年完銷

其顛連之狀誠有不忍見聞者臣思地方雖有不同
咸屬

朝廷赤子若不均平畫一小民必致有偏苦之嘆臣請
將潞澤二屬比照太原府屬見行事例一年額引照
數彙發該府州府州分發各縣按引完課按課銷引
以免小民遠涉多費之苦如此則

國課無虧民困亦得稍蘇矣謹竭一得之愚據實上陳
如果臣言不謬伏乞

睿鑒敕部議覆施行

舊志載河東道鹽議覆鹽引疏

董文驥

題爲仰遵

上諭敬陳鹽引偏苦之累設法疏通以蘇民困事奉都察院勘托前事等因奉此該臣會同山陝總督卞如梅山西巡撫楊會看得河東行鹽之地通於三省歲額鹽課商人完納出賃澆晒三省商販赴場轉買鹽引行運各該地方小民食鹽得引繳官此舊例也獨太原產有土鹽舊例發引完課不食河東池鹽至潞澤則地不產鹽自與太原刮土煎鹽不同斷不能

舍河東而他食也今據京商余裕國等急公便民願
買河東之商鹽行於潞澤地方平價售鹽自康熙五
年爲始民免遠涉官引易完則商鹽通而

國課裕誠爲兩便謹合詞具

題再查此案違限不及一月緣布政司往返查議招商
行鹽務從民便不得不爲詳慎相應一併

題明伏乞

睿鑒敕部議覆施行

潞紬

筐篚之貢詳諸尙書土之所產獻之於上分也但潞
紬機杼出於本地絲縷則購之他方乃造供

皇紬也其昉於何時凡幾增減已不可考其詳矣明季長
治高平潞州衛三處共有紬機一萬三千餘張十年
一派造紬四千九百七十疋分爲三運九年解完每
疋價銀四兩九錢五分零以十分爲率長治分造六
分二釐高平分造三分八釐造完各差官解部交納
國朝自順治四年爲始每歲派造紬三千疋彼時查機
兩縣止有一千八百餘張潞州衛全無價銀仍與明

同機戶不能支在部堂陳訴苦累又加工值銀五兩
零其足銀十兩之數六年遭姜瓖之亂機張燒毀工
匠殺擄所餘無幾八年長治機戶復告叛澤州於六
分二釐內每歲分造納三十疋十二月兩縣機戶復
控籲按臺劉公嗣美九年三月具

題請減得奉

旨下部議減造一千五百二十疋零四丈八尺每歲止造
一千四百七十九疋零二丈每疋又加銀三兩前後
共足銀一十三兩十五年八月工部覆議減造一千

一百七十九疋零二丈每歲止共造三百疋以本年
爲始本縣每歲該分造一百八十六疋每疋長六十
八尺濶二尺四寸重六十一兩價銀如前數共領二
千四百一十八兩限十二月起解定於次年正月內
到部交收至康熙年間戶部另行採買大小雜色潞
紬一千餘疋亦無定數或二年一解或一年一解俱
無定期其價值雖照民間定額但其中交納解送駁
換諸務使機戶不致受累則存乎有司之善爲體恤

焉

以上照依舊志開載

又康熙六年四月內工部准總管內府

咨開據理事官法噶等呈稱工部每年山西省織解
入潞紬三百疋今本庫四大潞紬需用稀少庫有堆
積其小潞紬無處起解而需用甚多合將額解三百
疋大潞紬內裁去一百疋改織小潞紬各長六托濶
一尺七寸織造四百疋內天青三十疋石青五十疋
沙藍七十疋月白二十疋醬色三十疋油綠四十疋
真紫十疋黑色三十疋紅青三十疋黃色十五疋紅
色十五疋綠色十五疋秋色十疋艾子色二十疋其
織四百疋如錢糧餘剩添織石青月白若錢糧不敷

黑色紅青黃色金黃紅色綠色秋色艾子色每樣均
減等因奉部遵行著爲定例自康熙六年爲始長治
應減大紬六十二疋改織小紬二百四十八疋應將
前項每年額解大紬一百八十六疋內除減六十二
疋止應額解大紬一百二十四疋在案此後之損益
尙未可定也

以上照
依舊志

今查每年進

貢大潞紬六十二疋小潞紬一百八十六疋經管織造

大小紬號頭三十名赴司請領銀一千二百八十六

兩五錢又黃絲木櫃銀四十八兩三錢四絲九忽四

徵每年解送本府織造進

貢絹疋經管織造堂長三十名

順治十七年江西道御史疏

王 鼎

竊惟臣鄉山西織造潞紬上供

宮府之用下資小民之生絡絲練線染色拋梭爲工頗
細獲利最微又山邑不出桑繭絲線取給山東河南
北直等處明末紬機三千餘張皆因抱牌當行支價
賠累蕩產破家元年至今僅存者不過二三百張舊
例貢紬每年一運近蒙

皇上鴻恩減數寬期豫年發銀每疋實價機戶爭先織造
從未累及百姓獨苦本省衙門之取用以及別省差
官差役織造者一歲之中殆無虛日雖各請發價而
催紬有費驗紬有費納紬有費所得些須盡入狡役
積書之腹化爲烏有矣機戶終歲勤苦夜以繼日婦
子供作俱置勿論若線若色盡取囊中日賠月累其
何能繼今年四月臣鄉人來言各機戶焚燒紬機辭
行碎脾痛哭奔逃携其賠累簿籍欲赴京陳告以艱
於路費中道而阻夫有簿籍必有取用衙門有衙門

必有取用數目小民含苦未伸臣聞不勝駭異因思
貢紬預年發銀必先期辦造似此機焚匠散斷民間
之貿易其害小悞

朝廷之織造其罪大又聞本處道臣招徠撫恤漸次歸
業臣恐此害不除後之賠累勢必不止他日又復逃
避謹據聞直奏祈

皇上勅部行該撫按追查簿籍嚴禁本省不得濫行取用
隔省不許擅差私造庶積年之苦累可除起解之貢
紬無悞矣奉

旨該部嚴察議奏

見路志拾遺





